

# CURRENTA III.

**A. D. 1865.**

N. p. 7.

## II. Encyclica

**SS. Papae Pii IX. de nonnullis adhuc aevi nostri erroribus, nec non de**

**Jubilaeo &c.**

*(Conclusio ad Cur. II. a. c.)*

*Post errorum damnatorum Syllabum, qui in Cur. II. impressus legitur, anteponi-  
mus oculis Ven. Cleri ipsam Encyclicam Vigilantissimi Urbis ac Orbis Patris Pii IX. ex  
8. Dec. 1864 tractantem de quibusdam erroribus sanæ Catholicæ Ecclesiæ doctrinæ adversis et  
ipsum reprobantem, pro sedula perlustratione et meditatione in sequentibus:*

**„Venerabilibus Fratribus Patriarchis, Primatibus, Archiepiscopis, et  
Episcopis Universis Gratiam et Communionem Apostolicæ Sedis habentibus.**

**PIUS PP. IX.**

**Vener. Fratres Salutem et Apostolicam Benedictionem.**

Quanta cura ac pastoralis vigilantia Romani Pontifices Praedecessores Nostri exse-  
quentes demandatum sibi ab ipso Christo Domino in persona Beatissimi Petri Apostolorum  
Principis officium, munusque pascendi agnos et oves nunquam intermiserint universum Domi-  
nicum gregem sedulo enutrire verbis fidei, ac salutari doctrina imbuere, eumque ab venenatis  
pascuis arcere, omnibus quidem ac Vobis praesertim compertum, exploratumque est, Venerabiles  
Fratres. Et sane iidem Decessores Nostri augustæ catholicæ religionis, veritatis ac justitiæ  
assertores et vindices, de animarum salute maxime solliciti nihil potius unquam habuere, quam  
sapientissimis suis Litteris, et Constitutionibus retere et damnare omnes hæreses et errores,  
qui Divinæ Fidei nostræ, catholicæ Ecclesiæ doctrinæ, morum honestati, ac sempiternæ homi-  
num saluti adversi, graves frequenter excitarunt tempestates, et christianam civilemque rem-  
publicam miserandum in modum funestarunt. Quocirca iidem Decessores Nostri Apostolica  
fortitudine continenter obstiterunt nefariis iniquorum hominum molitionibus, qui despumantes  
tamquam fluctus feri maris confusiones suas, ac libertatem promittentes, cum servi sint corru-  
ptionis, fallacibus suis opinionibus, et perniciosissimis scriptis catholicæ religionis civilisque  
societatis fundamenta convellere, omnemque virtutem ac justitiam de medio tollere, omniumque  
animos mentesque depravare, et incautos imperitamque praesertim juventutem a recta morum